



Inatsisartut
/maani

Att. Inatsisartunut ilaasortaq, Randi Vestergaard Evaldsen, Demokraatit

Inatsisartunut ilaasortamut Randi Vestergaard Evaldsenimut, Demokratit akissut

Allakkap ullua: 20-06-2017
Suliap normua: 2017-12591
Allagaatip suussusaa 5540428

Inatsisartut ataatsimiittarfissaat pillugu allakkatigut 23. maj 2017 nassiunneqarsimasutigut Naalakkersuisunut arlalinnik apeqquteqarputit unnut innersuunneqartunik. Inatsisartut suleriaasianni § 37, imm. 1 naapertorlugu apeqqutitit tulleriarlugit matumuuna akissavakka.

P. O. Box 1037
3900 Nuuk
Oqa. (+299) 34 50 00
Nassitsigasuaat (+299) 34 63
50
E-mail: oed@nanoq.gl
www.naalakkersuisut.gl

1. Aningaasat qanoq amerlatigisut ukiut tamaasa (2010-miilli) atorneqartarnikuuppat maannakkut Inatsisartut ataatsimiittarfiata aserfallatsaaliorneranut iluarsaanneranullu?

Akissut 1.

Allaffeqarfiit F, G aammalu allaffeqarfiit L-imiittut affaat massakkut Inatsisartunit atorneqarput.

Naalakkersuisut piffissami 2010-2016-imi illut taakku Inatsisartunit atorneqartut iluarsartuunneqarnerannut aserfallatsaalineqarnerannullu 3,5 mio. kr.-nit missaat atorpaat. Tamatuma saniatigut pitsanngorsaarnut Inatsisartut namminneq aningaasanik ingerlaavartumik atugaqarput. Aningaasalli taakku Naalakkersuisunit ilisimasaqarfigineqangillat, taamaaattorli akissutip matuma suliarineqarneranut atatillugu Inatsisartut Allattoqarfiannit paasissutissiisutigineqarpoq piffissami tassani illutat aserfallatsaalineqarnerinut, ingerlanneqarnerinut pitsanngorsarneqarnerinullu katillugit 2,1 mio. kr.-it atorneqarsimasut. Naalakkersuisut Inatsisartullu ukiumoortumik aningaasartuutigisaat takussutissiaq 1-imi takuneqarsinnaapput.

Takussutissiaq 1: Aserfallatsaaliuineranut annikitsumillu iluarsartuussinernut kiisalu illutanik pitsanngorsaarnermut aningaasat 2010-mit 2016-imut atorneqarsimasut.

Ukioq	Naalakkersuisut	Inatsisartut	Katillugit
2010	158.759	297.481	456.240
2011	568.240	63.567	631.807
2012	47.431	356.388	403.819
2013	429.565	267.256	696.821
2014	490.815	45.733	536.548
2015	1.455.070	951.587	2.406.657

2016	356.284	76.775	433.059
Katillugit	3.506.164	2.058.785	5.564.949

Taamaattorli ajunngitsussaq anguniarlugu oqaatigineqassaaq allaffeqarfissuarmi aserfallatsaaliuineranut iluarsartuussinernullu taakkulu eqqarisaani aningaasat ukiut ilaanni atorpeqartarmata allaffeqarfinnut siuliani pineqartunut toqqaannangitsumik attuumassuteqanngikkaluartut. Tamatuma saniatigut immikkoortortat taakku marluk akornanni naatsorsukkat naatsorsuuserinermilu nalinginnaasumik periutsit assigiinngissuseqarsinnaanerat nalinginnaasumik eqqumaffiginiarneqassaaq.

2. Inatsisartut ataatsimiittarfiat maannakkut atorpeqartup aserfallatsaaliinissaanut iluarsaannissaanullu 2017-imi 2018-milu aningaasat qanoq amerlatigisut atorpeqarnissaannut pilersaartoqarpa?

Akissut 2:

Inatsisartut illorsuartaani igalaat 2017-imi iluarsartuunnissaanut 200.000 kr. missaat atorpeqarnissat Illuutinik Ingerlatsivimmit naatsorsuutigineqarpoq.

Namminersorlutik Oqartussat illuutaasa pitsaassusaat 2017-imi nalunaarsorneqartussaapput. Taamaasiortoqareerpat 2018-imi aningaasat atugassat pingaarnersiorlugit tullerijarneqassapput. Illuutinut Inatsisartunit atorpeqartartunut tunngatillugu 2018-imi aningaasat qanoq annertutigisut atorpeqassanersut massakkuugallartoq ilisimaneqanngikkallarpoq.

3. Naalackersuisut isumaqataanerlutik maannakkut Inatsisartut ataatsimiittarfiata iluarsaanissaa aserfallatsaalinissaalu pisariaqartussaasut - aamma siunissami Inatsisartunit najorneqassanngikkaluaruniluunniit?

Akissut 3:

Allaffiit inillu massakut Inatsisartunit atorpeqartartut allaffeqarfissuup tamakkiisup ilaatut isigineqarput. Inatsisartut ataatsimiittarfiata immikkoortullu tassunga atasut saniatigut allaffeqarfissuaq allaffeqarlunilu ineqartiterpoq Naalackersuisunit, politiinit aammalu Naalagaaffiup Sinniisuinit atorpeqartartunik. Taakkununga ilaalluni sutortarfik politiit; Naalackersuisut Inatsisartullu sulisuinit atorpeqartartoq. Inatsisartut nuussappata init atorpeqarunnaartut siunertanut allanut atorpeqarsinnaanissaannut kissaatiginarpoq. Taaneqartut isumaliutaannaapput, suli pilersaarusiortoqaranilu allanut atorsinnaanerlinik suli eqqarsaatersortoqanngilaq. Inilli atorunnaartussat allatut atorpeqarsinnaanissaat, inillu siunertanut allanut atorpeqarsinnaanngorlugit aqqissuunnerinut aningaasatigut kingunissat aammalu aserfallatsaaliortarnissaannut aningaasartuutaajunnartut sulilu ilisimaneqanngitsut suli aalajangiiffigineqanngillat. Taamaattumik massakkuugallartoq illuutit ingerlaavartumik iluarsartuuttarnissaat aserfallattaaliortarnissaallu suli pisariaqassaaq.

4. Naalakkersuisut isumaqataanerlutik Inatsisartut ataatsimiittarfissaata nutaap iluarsaannissaanut aserfallatsaalinissaanullu aningaasaliisoqartarnissaa aamma pisariaqartussaasoq?

Akissut 4:

Ataatsimiittarfissap nutaap allallumi sanaartukkat ingerlaavartumik aserfallatsaaliorneqartariaqartarnissaat ilumoorpoq. Ataatsimiittarfissap ukiuni siullerni aserfallatsaaliortarnissanut iluarsartuuttarnissaanullu aningaasartuutaasartussat killeqarnissaat naatsorsuutigineqartariaqarpoq.

5. Aningaasaqarnermut Akileraarnernullu Naalakkersuisoq qanittukket Sermitsiaq.AG-mut imatut oqarpoq:

"Aningaasaqarnikkut inernerusut pitsaasut maannamit eqqissisimaarluta uninngaannalernissatsinnik aningaasartuutillu aqunneqaratik qaffakkiartortinnissaannik pissutississanngilaatigut. Killormuanilli pingaaruteqarpoq, aalajangersimasumik siunnerfeqarluta ingerlaannarnissarput aningaasaqarnermillu sukangasuumik aqutsinissarput attatiinnassagipput. Aningaasartuutinik nutaanik, aningaasaqarnikkut pissakinnerusunik kivitsinissamik kiisalu inuiaqatigiinni aningaasaqarnikkut naligiinnginnerup annikillisinissaanik pingaarnertut anguniarneqassapput"

Naalakkersuisut isumaat naapertorlugu, qanoq ililluni Inatsisartut ataatsimiittarfissaata nutaap pissakinnerit iluaqusissavaat kiisalu inuiaqatigiinni aningaasaqarnikkut assigiinngissuseq millisillugu?

Akissut 5:

Inatsisartut nutaamik ataatsimiittarfittaarnissaannik isummernissaq Inatsisartut namminneerlutik isummerfigisassaraat Inatsisartullu nutaamik ataatsimiittarfittaarnissamut tunngatillugu akuersaarlutik itigartitsillutilluunniit aalajangererat Naalakkersuisunit ataqqineqassaaq. Aningaasaqarnikkut naligiinnerusumik atugaqalernissamik Naalakkersuisut anguniagaat Inatsisartut sanaartorsinnaanissaannit sunnerneqarnaviangilaq.

Naalakkersuisut maluginiarpaat Inatsisartut ulloq 22. maj 2017 ataatsimiinnermi nutaamik ataatsimiittarfittaarsinnaanissamut isummernissamut tunngavissat pitsanngorsarneqaginnissaat aalajangersimagaat. Inatsisartut ima aalajangerput:

"Inatsisartut ataatsimiittarfissaannik, allaffissornikkut sullissiviit ilanngullugit nutaamik sananissamik suliassap allaaserineqarnissaanik Inatsisartut Siulittaasoqarfiat apeqquneqarnissaanik Inatsisartut aalajangiiffigisassaattut siunnersuut. Allaaserineqarnerani Inatsisartoqarfimmik sanaartornermi, ingerlatsinermi, aserfallatsaaliinermi aammalu kusanartuliatut ilusilersorneqarnissaani aningaasartuutit ilanngullugit nassuiarneqassapput. Kiisalu maanna

*Inatsisartoqarfiusup iluarsaanneqarneranut sanilliullugu
aningsaaqarnikkut pitsaaqutit ajoqutillu suliassap allaaserineqarnerani
nassuiarneqassallutik.”*

Taamaattumik suliap pineqartup inernissaa Naalackersuisut utaqqimaarniarpaat.

Naggasiullugu utoqqatsissutigissavara § 37 naapertorlugu apeqqummut matumunnga
akissuteqarniarneq sivirusimammat.

Inussiarnersumik inuulluaqqusillunga

Aqqaluaq B. Egede